

Hjúkrunarheimili

Upplýsingar fyrir umsækjendur og aðstandendur þeirra



Hjúkrunarheimili

Umsókn um færni- og heilsumat

Fyrsta skrefið í umsókn um hjúkrunarheimili er að sækja um færni- og heilsumat. Umsóknareyðublað er m.a. á: www.heilsugaeslan.is, www.landlaeknir.is Umsókn skal senda til viðeigandi færni- og heilsumatsnefndar og eru upplýsingar um aðsetur á umsóknareyðublaðinu. Nefndin er skipuð öldrunarlækni, félagsráðgjafa og hjúkrunarfræðingi. Færni- og heilsumatsnefnd sér um að kalla eftir ítarlegri gögnum frá fagfólki. Við matið er þörf fyrir sólarhringsumönnun skoðuð, hvort búseta heima með viðeigandi þjónustu sé fullreynd og hvort hægt sé að efla sjálfsbjargargetu með endurhæfingu eða meðferð. Ef ekki er talið tímabært að flytja á hjúkrunarheimili er umsókn synjað og bent á önnur úrræði og er hægt að sækja aftur um síðar.

Þegar umsókn er samþykkt tilgreinir umsækjandi þau heimili sem hann velur að umsókn sé skráð hjá (á höfuðborgarsvæðinu fjögur heimili eða fleiri), sem fá þá rafrænan aðgang að umsókn og gögnum. Færni- og heilsumatsnefnd tilnefnir tvo umsækjendur í hvert pláss sem losnar á hjúkrunarheimili, og velur heimilið milli þeirra. Ef umsækjandi er ekki fluttur innan 12 mánaða þarf að sækja um endurnýjun umsóknar.

Aðstaða á hjúkrunarheimilum

Í þjónustu á hjúkrunarheimilum felst fullt fæði, aðstoð og umönnun, lyf, læknishjálp og hjálpartæki, að hjólastólum undanskildum. Íbúar með minnissjúkdóma búa ýmist á almennum hjúkrunardeildum eða á sérhæfðum hjúkrunardeildum fyrir fólk með heilabilun. Meirihluti íbúa á hjúkrunarheimilum er eldra fólk. Í Skógarbæ, Mörk og Sjálfsbjargarheimilinu eru heimiliseiningar fyrir yngri en 67 ára. Þær fullnægja ekki þörfinni og býr yngra fólk einnig á flestum öðrum hjúkrunarheimilum. Á nýrri hjúkrunarheimilum eru eingöngu eins manns herbergi með sér baðherbergi. Eldri heimilum hefur víða verið breytt þannig að sem flestir geti búið sér. Algengast er á heimilum með bæði eins og tveggja manna herbergi, að þeir sem búið hafa lengur á heimilinu hafa forgang þegar einbyli er laust.

Greiðsluþáttaka

Hjúkrunarheimili eru rekin á daggjöldum og við flutning falla niður greiðslur frá Tryggingastofnun ríkisins (TR). Greiðsluþáttaka er tekjutengd. Tekjur eru allar skattskyldar tekjur, þar á meðal eru lífeyrissjóðsgreiðslur, fjármagnstekjur, vaxtatekjur og leigutekjur. Höfuðstóll og séreignarlífeyrissparnaður er ekki talinn með í útreikningum. Upplýsingar um greiðsluþáttöku eru birtar á heimasíðu TR, www.tr.is sjá 65+, Dvöl á stofnun, Reiknivél kostnaðarþáttöku. TR annast útreikninga á greiðsluþáttöku og felur hjúkrunarheimilum að innheimta. Kostnaðarþáttaka hefst næstu mánaðamót eftir flutning á hjúkrunarheimili. Þeir sem hafa lágar eða engar tekjur geta átt rétt á „ráðstöfunarfé“ og þarf að sækja sérstaklega um það. Yngri en 67 ára aldri taka ekki þátt í dvalarkostnaði að öðru leyti en því að greiðslur frá TR falla niður. Greiðsluþáttaka lífeyrisþega hefst þegar fólk hefur dvalið á

sjúkrahúsi í 6 mánuði á sl. 12 mánuðum. Hægt er að sækja um frestun á greiðsluþátttöku, svo sem vegna hárrar greiðslubyrði af húsnæði (Umsókn um framlengingu lífeyrisgreiðslna). Maki sem býr áfram heima getur nýtt sér skattkort hins aðilans og getur sótt um heimilisuppbót, að uppfylltum ákv. skilyrðum, sjá tr.is.

Hjúkrunarheimili á höfuðborgarsvæðinu

Reykjavík

Droplaugarstaðir, Snorrabraut 58, 105 Reykjavík www.droplaugarstadir.is

Eir, Hlíðarhúsum 7, 112 Reykjavík www.eir.is

Grund, Hringbraut 50, 101 Reykjavík www.grund.is

Hrafnista Laugarás, Brúnavegi 13, 104 Reykjavík www.hrafnista.is

Hrafnista Skógarbær, Árskógum 2, 109 Reykjavík www.hrafnista.is

Hrafnista Sléttuvegur, Sléttuvegi 25, 103 Reykjavík www.hrafnista.is

Mörk, Suðurlandsbraut 66, 108 Reykjavík www.grund.is

Seljahlið, Hjallaseli 55, 109 Reykjavík www.seljahlid.is

Skjól, Kleppsvegi 64, 104 Reykjavík www.skjol.is

Sóltún, Sóltúni 2, 105 Reykjavík www.soltun.is

Mosfellsbær

Hamrar, Langatanga 2, 270 Mosfellsbæ www.eir.is

Seltjarnarnes

Seltjörn, Sefgördum 20, 170 Seltjarnarnesi s. 5604179

Kópavogur

Hrafnista Boðáþing, Boðáþingi 5-7, 203 Kópavogi www.hrafnista.is

Roðasalir, Roðasölum 1, 201 Kópavogi www.kopavogur.is

Sunnuhlíð, Kópavogsbraut 1c, 200 Kópavogi www.sunnuhlid.is

Garðabær

Hrafnista Ísafold, Strikinu 3, 210 Garðabæ www.hrafnista.is

Hafnarfjörður

Hrafnista Hraunvangur, Hraunvangi 7, 220 Hafnarfirði www.hrafnista.is

Sólvangur, Sólvangsvegi 2, 220 Hafnarfirði www.solvangur.is

Upplýsingar um hjúkrunarheimili um allt land og umsóknarferli eru m.a. á heimasíðum Embættis Landlæknis, félagsmálaráðuneytis, heilbrigðisráðuneytis, sveitarfélaga og víðar www.landlaeknir.is, www.stjornarrad.is, www.tr.is, www.sjukra.is, www.islands.is

Lög um málefni aldraðra nr. 125/1999. Lög um heilbrigðisþjónustu nr. 40/2007. Lög um sjúkratryggingar nr. 112/2008. Lög um almannatryggingar nr. 100/2007.

Rg. um færni- og heilsumat vegna dvalar- og hjúkrunarrýma nr. 466/2012;

Rg. um greiðslur öldrunarstofnana fyrir heilbrigðisþjónustu nr. 427/2013;

Rg. um stofnanþjónustu fyrir aldraða nr. 1112/2006.

Rg. um styrki vegna hjálpartækja nr. 1155/2013.

Vinsamlegast athugið að sjúkrahúsið getur ekki borið ábyrgð á peningum eða öðrum verðmætum svo sem sínum, tölum o.fl. sem sjúklingar eða aðstandendur hafa meðferðis.

Athygli er vakin á því að starfsfólk og nemendur sjúkrahússins eru bundin þagnarskyldu og mega því ekki ræða um málefni sjúklinga á deildinni. Við viljum vinsamlegast biðja þig og aðstandendur þína að ræða ekki það sem þið kunið að verða vitni að eða heyra um aðra sjúklinga.

Landspítali er kennsluspítali og nemendur í heilbrigðisfræðum og tengdum greinum stunda hluta af námi sínu á spítalanum. Nemendur fylgjast með og taka þátt í daglegri meðferð sjúklinga og eru alltaf á ábyrgð og undir handleiðslu leiðbeinenda sinna.

ÚTGEFANDI:
LANDSPÍTALI
MEÐFERÐARSVIÐ, ÖLDRUNARÞJÓNUSTA
JÚLÍ 2020

ÁBYRGÐ: GUÐLAUG MARÍA
JÚLÍUSDÓTTIR YFIRFÉLAGSRÁÐGJAFI
RITNEFND: STEINUNN KRISTÍN
JÓNSDÓTTIR, ÞORBJÖRG ÁRNADÓTTIR,
ÞORGERÐUR VALDIMARSDÓTTIR,
MARGRÉT ALBERTSDÓTTIR

LJÓSMYND Á FORSIÐU:
UNSPLASH.COM
HÖNNUN:
SAMSKIPTAEILD